

A Xunta de Goberno desta Deputación Provincial na súa sesión ordinaria do día 07 de agosto de 2026, adoptou, entre outros, o seguinte acordo:

11.37511.- CONCESIÓN DE SUBVENCÍONS A ENTIDADES XUVENÍS E GRUPOS INFORMAIS PARA A POSTA EN MARCHA DE INICIATIVAS DE INTERESE SOCIAL DIRIXIDAS Á XUVENTUDE (Plan +Xuventude 2026). (Expte. 2025060865)

ANTECEDENTES E CONSIDERACIÓNS TÉCNICAS:

Primeiro. A Xunta de Goberno, na súa sesión ordinaria celebrada o pasado 30 de xaneiro de 2026, aprobou a convocatoria e as bases reguladoras para a concesión en réxime concorrencia competitiva das axudas destinadas á posta en marcha de iniciativas de interese social promovidas pola xuventude da provincia de Pontevedra durante o ano 2026, as cales foron publicadas no BOPPO núm. 26, de 9 de febreiro de 2026.

A dotación destinada á convocatoria é de 120.000,00 €, con cargo á aplicación orzamentaria 26/233.2310.480.02. O importe máximo subvencionado por proxecto é de 5.000,00 €.

Segundo. Segundo as bases reguladoras desta convocatoria, é obxecto de subvención a posta en marcha de iniciativas colectivas xuvenís e proxectos realizados e ideados en grupo durante o ano 2026, que favorezan e promovan o desenvolvemento persoal e comunitario; contribúan ao apoderamento xuvenil, á formación en valores e á consecución de hábitos saudables; e enriquezan a vida social, económica, científica e cultural da provincia.

Estas subvencións son incompatibles "(...) coa percepción de subvencións de concesión directa do Servizo de Xuventude e Reto Demográfico contempladas no Orzamento de esta institución para o exercicio de 2026 e con outras axudas concedidas por outros servizos da Deputación de Pontevedra para a mesma finalidade no mesmo exercicio (...)".

Terceiro. Rematado o prazo de presentación de solicitudes, rexistráronse un total de 34 proxectos.

A instrución do procedemento de concesión correspondeulle á xefa do Servizo de Xuventude e Reto Demográfico, que realizou de oficio cantas actuacións estimou necesarias para a determinación, o coñecemento e a comprobación dos datos e da documentación presentada.

O expediente contén os informes do Servizo de Xuventude e Reto Demográfico nos que consta que en cada un dos expedientes realizouse a comprobación de que as persoas beneficiarias cumpren todos os requisitos necesarios para acceder a esta liña de subvencións.



Cuarto. A comisión de valoración prevista no punto 12.2 da convocatoria examinou e avaliou as solicitudes de acordo cos criterios establecidos nas bases reguladoras emitindo, o 7 de xullo de 2026, o correspondente informe de avaliación.

Os criterios que se tiveron en conta para valorar as solicitudes foron os establecidos na base décimo terceira da convocatoria.

Quinto. Recibido o informe da comisión de valoración, a xefa do Servizo de Xuventude e Reto Demográfico formulou a proposta de resolución provisional na que se propón conceder subvencións ás 27 entidades xuvenís e grupos informais relacionados no anexo (CSV): LNIUWT9QJBSVW6E2, por un importe total de 115.163,68 €, a cal foi publicada na sede electrónica da Deputación de Pontevedra o 7 xullo de 2026, e de xeito simultáneo na páxina web.

Segundo se recolle na base 12ª da convocatoria, as entidades propostas como beneficiarias tiveron un prazo de dez (10) días para formular alegacións, desde o día seguinte ao da publicación.

Sexto. Con data 21 de xullo de 2026 Dona Alicia Garrido Márquez (NIF: ***8381**), representante do grupo informal "asociación cultural amigos do Cachafeiro-Freixeira", presenta escrito de alegacións fronte á proposta de resolución provisional.

Sétimo. O 29 de xullo de 2026, a xefatura do Servizo de Xuventude e Reto demográfico emitiu informe en contestación ás alegacións formuladas no que se motivan os criterios de valoración aplicados, a puntuación obtida polo proxecto, o cálculo do importe da subvención proposta e a determinación do orzamento subvencionable, dando así cumprimento á solicitude de motivación e acceso á información formulada pola persoa representante do grupo informal.

No citado informe conclúese que procede atender a solicitude de motivación e acceso á información formulada pola interesada e desestimar o resto das alegacións, ao considerar correctamente cualificado o gasto correspondente á instalación da iluminación na carballeira como gasto de alugueiro de espazos e/ou equipamento, resultando de aplicación o límite do 30 % previsto na base 5.3 da convocatoria.

De acordo co exposto, e ao amparo do establecido no artigo 36.1.d, da Lei de Bases de Réxime Local, no que se establece que son competencias propias das Deputacións o fomento e a administración dos intereses peculiares da Provincia, así como tamén o establecido no artigo 109.1.d, e 118 d) da Lei 5/1997 de 22 de xullo da Administración Local de Galicia, a Xunta de Goberno, acorda por unanimidade:

I.- Aprobar o informe emitido pola Xefatura do Servizo de Xuventude e Reto Demográfico o 28 de xullo de 2026 en relación coas alegacións formuladas por dona Alicia Garrido Márquez e, en consecuencia, dar por atendida a solicitude de motivación e acceso á información formulada pola interesada e desestimar o resto das alegacións polos fundamentos xurídicos e técnicos contidos



no citado informe.

II.- Conceder subvención ás entidades xuvenís e grupos informais para a posta en marcha de iniciativas de interese social dirixidas á xuventude en 2026 relacionadas no anexo I, polo importe que se indica para cada unha delas, e cuxo importe total ascende á cantidade de 115.163,68 €, que se aboarán con cargo á aplicación orzamentaria 26/233.2310.480.02 do Orzamento xeral da Deputación para o ano 2026.

III.- Desestimar as solicitudes e denegar por tanto a concesión de subvención ás entidades e grupos informais que figuran relacionadas no anexo II, coa expresión dos motivos de exclusión.

IV.- Publicar o presente acordo na Sede electrónica e na páxina web da Deputación de Pontevedra, nos termos previstos na base 12 da convocatoria e no artigo 45 da LPACAP.

V.- Notificar o presente acordo a Dona Alicia Garrido Márquez, na súa condición de representante do grupo informal "Asociación Cultural Amigos do Cachafeiro-Freixeira", xuntándolle copia do informe emitido pola Xefatura do Servizo de Xuventude e Reto Demográfico o 28 de xullo de 2026, que forma parte da motivación da presente resolución para os efectos do disposto nos artigos 35 e 88 da Lei 39/2015, do 1 de outubro, do procedemento administrativo común das administracións públicas.

ANEXO I: RELACIÓN DE SUBVENCÍONS CONCEDIDAS

Nº	Expte.	NIF	Asociación/ Grupo informal	Tipo de solicitante	Concello	Nome do proxecto	Importe concedido
1	2026010210	G70758982	Asociación Galenio Unión CF	Asociación	Pontevedra	El torneo del año 2026	3.878,00 €
2	2026011880	G36155885	Asociación socio cultural e deportiva A Insua	Asociación	Tui	Semana cultural A Insua: xuventude Activa	3.997,84 €
3	2026013574	G70923586	Club Serendipia Galicia	Asociación	Sanxenxo	Navegando cara a mocidade	4.000,00 €
4	2026016925	G56426570	Asociación Non damos feito	Asociación	Salvaterra de Miño	Galimpiadas	3.000,00 €
5	2026016929	G36716173	Asociación de nais e pais de alumnos Proval	Asociación	Nigrán	Charlas de orientación económica	280,00 €
6	2026017036	G23846306	Asociación Deligras Galicia	Asociación	Ribadumia	Programa estival Espiñeiro Baltar 2026	4.850,00 €



7	2026017626	***8146**	Aroa Otero Rodríguez	Grupo informal	Pontevedra	Primeros auxilios en centros educativos	2.650,00 €
8	2026018197	G36153344	Asociación Banda de música popular de Tui	Asociación	Tui	Sons e emocións: a cultura da mocidade	5.000,00 €
9	2026018208	G36617082	Asociación centro cultural artístico e recreativo de Valladares	Asociación	Vigo	Campamento xuvenil Okupémonos	5.000,00 €
10	2026018322	G36744951	Asociación xuvenil Xuntanza xuvenil	Asociación	Vigo	Sudando a camisola	5.000,00 €
11	2026018346	G36266682	Asociación cultural Banda de música de Silleda	Asociación	Silleda	Campamento musical de verán	5.000,00 €
12	2026018348	G36164887	Down Pontevedra Xuntos Asociación síndrome de Down	Asociación	Pontevedra	Xuntos na procura da identidade	4.431,00 €
13	2026018809	G94122702	Asociación para o desenvolvemento familiar MEDRAR 2.0 ADEFAM 2.0	Asociación	Barro	Sabor de horta	2.932,80 €
14	2026018812	G36217545	Asociación amigos Banda de música de Agolada	Asociación	Agolada	Xornadas musicais Aprendendo a dar a nota	5.000,00 €
15	2026018814	***8381**	Alicia Garrido Márquez	Grupo informal	Forcarei	Creando sociedade no rural	3.226,04 €
16	2026018820	G36062081	Asociación de veciños de Chapela-Redondela	Asociación	Redondela	Raíz na rúa	4.050,00 €
17	2026018831	G94155298	Asociación Colectivo Espazo 16	Asociación	Barro	Especies e espazos	4.500,00 €
18	2026018840	G36697324	Down Vigo Asociación para el síndrome de Down	Asociación	Vigo	A maxia	5.000,00 €
19	2026018933	G94157963	Asociación Arousa Moza	Asociación	Vilagarcía de Arousa	Ano da visibilidade e participación xuvenil LGTBIQ+	4.613,00 €
20	2026019228	G94081809	Asociación musical cultural Tirante	Asociación	Barro	Barosa líquida 2026	5.000,00 €
21	2026019232	***1226**	José Alejandro Blanco Camino	Grupo informal	Ponteareas	Latidos en xogo	4.750,00 €
22	2026019235	G36183804	Asociación cultura e xuventude de Barro	Asociación	Barro	Campamento musical Notas da Natureza	5.000,00 €
23	2026019247	G19806389	Asociación Conecta Galicia	Asociación	Vilanova de Arousa	Conecta + xuventude	5.000,00 €
24	2026019326	G36027928	Agrupación musical O Rosal	Asociación	O Rosal	Máis que música	4.005,00 €



25	2026019832	G94084456	Asociación cultural Galicia Fiddle	Asociación	Vigo	Fiddle para as aldeas	5.000,00 €
26	2026019835	G36633394	Asociación Centro Xuvenil Abertal	Asociación	Vigo	Outra movida	5.000,00 €
27	2026019844	G36124279	Asociación Érguete de Prev. Educación	Asociación	A Guarda	Non o deixes ao azar	5.000,00 €

ANEXO II: RELACIÓN DE SOLICITUDES EXCLUÍDAS E CAUSAS DE EXCLUSIÓN

Nº	Expte.	NIF	Asociación/ Grupo informal	Nome do proxecto	Causa de exclusión
1	2026014722	G94017704	Asociación O son do pobo	Programa de dinamización cultural e participación xuvenil 2026	Non acada a puntuación mínima
2	2026014739	G36592582	Asociación xuvenil cultural Staccato	Proxecto orquestral	Non acada a puntuación mínima
3	2026014753	G21661285	Asociación Arrebol de Galicia	Mar, mocidade e futuro	Non contestar ao requirimento en prazo
4	2026014757	G56786718	Asociación cultural Virxe do Carmen de Baltar	Festa do Carme	Non contestar ao requirimento en prazo
5	2026019226	***7676**	Ana Paula Gil Estévez	Xornadas de enxeñaría biomédica	Non contestar ao requirimento en prazo
6	2026019231	G94079050	Asociación de nenas nenos e xente nova con diabetes de Galicia	Activa-DTI Lab	Non contestar ao requirimento en prazo
7	2026019239	***9153**	Gabriel González da Costa	Torneo de fútbol de interbarrios de Peitieiros	Non contestar ao requirimento en prazo

O que lle comunico a Vde. para o seu coñecemento e efectos, coa salvidade que establece o art. 206 do RD 2568/86, de 28 de novembro.

Asinado dixitalmente na data que figura á marxe.

Contra este acordo que pon fin á vía administrativa poderá interpoñer recurso potestativo de reposición perante o mesmo órgano que o ditou, no prazo de un mes a partir do día seguinte ó desta notificación (*artigos 112 e 124 da Lei 39/2015, de 1 de outubro, do Procedemento Administrativo Común das Administracións Públicas*), ou ben, directamente recurso contencioso-administrativo perante a Sección do Contencioso-Administrativo do Tribunal de Instancia de Pontevedra, segundo o disposto no artigo 8 da Lei 29/1998, de 13 de xullo, Reguladora da Xurisdición Contencioso-Administrativa, e todo iso no prazo establecido no artigo 46 da citada Lei.

Todo iso sen prexuízo de que poida utilizar calquera outro recurso que estime conveniente.

